

Digitized by the Internet Archive  
in 2016 with funding from  
Getty Research Institute

















SEPTEM  
PRINCIPVM  
ANGELORVM

ORATIONES  
CVM ANTIQVIS  
*Imaginibus*

OPERA  
Antonij Ducæ Presbyteri Cephalu-  
densis olim editæ.



CVM LICENTIA SVPERIORVM.

*Ex Officina Horatii Saluiani.*

NEAPOLI, Apud Io. Iacobum Carlinum, &  
Antonium Pacem. Anno 1594.



### De Sancto Angelo Custode: Antiph.

**A**NGELIS suis Deus mandavit de te, ut custodiant te in omnibus vijs tuis. In manibus portabunt te, ne forte offendas ad lapidem pedem tuum. All. All.

V. Angeli eorum semper vident All.


R. Faciem Patris mei, qui in Cælis est All.

Angele Dei, qui Custos es mei, me tibi commissum pietate superna, hodie illumina, custodi, rege & governa. Amen.





Vberas cum me laudarent simul astra matutina, et iubilarent omnes filij Dei? IOB. 38.







AVE REGINA CALORVM  
AVE DOMINA ANGELORVM



Ad Sanctissimam Virginem Deiparam  
Angelorum Reginam.

Antiphona.

**A**VE Regina Cælorum,  
Aue Domina Angelorum,

Salve radix sancta,

Ex qua mundo lux est orta.

Gaude gloriosa,

Super omnes speciosa,

Vale valde deccra

Et pro nobis semper Christum exora.

Ÿ. Dignare me laudare te Virgo Sacrata.

R. Da mihi virtutem contra hostes tuos.

Oremus.

Oratio.

**C**ONCEDE misericors Deus fragilitati nostræ præsidium, vt  
qui Sanctæ Dei Genitricis memoriam agimus, intercessionis eius  
auxilio à nostris iniquitatibus resurgamus. Per eundem Christum  
Dominum nostrum. Amen.

---

De Sanctis Angelis. Antiph.

**A**NGELI, Archangeli, Troni, & Dominationes, Principa-  
tus, & Potestates, Virtutes Cælorum, Cherubim, atque Sera-  
phim laudate Dominum de Cælis. Allelu.


Ÿ. In conspectu Angelorum psallam tibi Deus meus.

R. Adorabo ad templum sanctum tuum, & confitebor  
nomini tuo.

Oremus.

Oratio.

**D**EVS qui miro ordine Angelorum ministeria, hominumq; di-  
spensas, concede propitius, vt quibus tibi ministrantibus in cæ-  
lo semper assistitur, ab his in terra vita nostra muniatur. Per Do-  
minum nostrum, &c.



Antonius Duca Rector Ecclesiæ Septem Principum  
Angelorum Panormitanæ pijsimis  
Lectoribus Sanctorum Ange-  
lorum auxilium.

**C**ANDELAERVM de partibus septuaginta, Viri Christianis-  
simi, quod Moyſes Dei mandato aureum composuit, ex Iosepho  
D. Hieronymus mundum cum septem Stellis errantibus scribit signi-  
ficasse: & per illud à D. Anselmo quoddam templum spirituale mi-  
rabiliter describitur. Nos & Iosephi, & D. Ioannis Euangelistæ  
auxilio adiuti, triumphantem Ecclesiam cum septem Spiritibus an-  
te Deum astantibus, instar cuius militans Ecclesia cum septem Epi-  
scopis ardenti purpura indutis existit, significare censemus: nec non  
septimembre templum à sanctis Martyribus ædificatum Romæ ex  
vaticinio Eſaiæ ostendimus: ut quemadmodum in mirabili Iudæorū  
Candelabro, ita in mirabili Christianorum templo Deum mirabilem  
prædicemus. *Valete feliciter.*

# INTERPRETATIO NOMINVM

Septem Principum Angelorum.

MICHAEL	Quis vt Deus ?
GABRIEL	Fortitudo Dei.
RAPHAEL	Medicina Dei.
VRIEL	Ignis Dei.
SEALTIEL	Petitio Dei.
IEHV DIEL	Confessio, siue laus Dei.
BARACHIEL	Benedictio Dei.





## De Septem Principibus Angelorum . Antiph.

**P**RINCIPES septem militiæ cœlestis astantes in conspectu Throni Dei, quibus dispensata sunt magna ministeria in omnium fidelium tutelam, occurrere, quæsumus, tentamentis dæmonum, & pro deuotis intercedite vestris apud immaculatum Agnum Filium Dei.

℣. Adorate Dominum. Alleluia.

℟. Cuius ante thronum stant semper Principes Angelorum. Alleluia.

Oremus.

Oratio.

**D**EVS qui inter cætera cælorum ornamenta, & munera mundum gubernantia tam ordines, quàm ministeria Angelorum miris digessimus modis: concede propitius, ut à tuis Septem Principibus astantibus, qui tibi in excelsis Throno sedenti vicinior semper astant, vita nostra protegatur. Per Dominum nostrum.

De Septem Principibus Angelorum. Hymnus.

**C**VNCTVS in cælo siluit senatus,  
Dum Draco bellumpeteret superbus ,  
Quem recalcatum pedibus Michael  
Fexit Auerno .

**T**e Paranympum colimus Tonantis,  
Spiritus cuius resonat per Orbem ,  
Gabriel: nostros animos olympi  
Lumine reple .

**O** salutaris medicina cæli ,  
Sancte Raphael, medicamen affer/  
Corpore ægrotis, animisq; cæcis  
Dirige gressus .

**I**udicis partes Iehudielis atræ  
Sint procul nobis miseris quousq;  
Gratia summi Patris eluantur  
Crimina nostra.

**N**oster Adiutor, faueas precamur  
Barchiel , cunctis : memor esto nostri ,  
Vt Deo Sanctos referas rogamus  
Impiger actus .

**S**ealtiel cunctus tibi debet Orbis ,  
Cuius Orator Patris ante Thronum es:  
Et tuis supplex famulis precaris  
Crimina tergi .

**V**riel fortis socius bonorum  
Dæmonum vires gladio retundit ,  
Charitas cuius superat piorum,  
Vota precantum .

**N**umini Trino Deitatis almæ  
Laus, honor, virtus , pariter potestas  
Sit decus semper , benedictioq;  
Omne per eum . Amen .



### De Sancto Michaeli Victore. Antiph.

**F**ACTUM est silentium in cœlo, dum draco committeret bellum, & Michael pugnauit cum eo, & fecit Victoriam.

℣. Michael Princeps venit in adiutoriū Populo Dei.


℟. Et stetit in auxilium pro animabus iustis.

Oremus.

Oratio.

**D**EVS, qui Beato Michaeli Principi ostenti, & summo cœlestiū copiarum prælianti sub auxilio salutiferæ crucis ab æterno præuise, gloriosum de superbissimo Dæmoniarcha triumphum dedisti, te quæsumus, vt nobis armantibus frontem nostram signo salutari, nomenq; prædicti Michaelis triumphatoris inuocantibus, fortitudinem, ac victoriam, contra visibiles, & inuisibiles hostes concedas, vt nos liberi ab illorum impedimento, secundum tua diuina mandata vitam nostram ducere valeamus. Per Dominum nostrum Iesum Christum.









### De Sancto Gabriele Nuncio. Antiph.

**I**NGRESSVS Gabriel Angelus ad Mariam dixit; Ave gratia plena Dominus tecum, benedicta tu in mulieribus.

℣. Angelus Domini Nunciauit Mariæ.

℟. Et concepit de Spiritu Sancto.

Oremus.

Oratio.

**D**EVS humanæ salutis amator, qui Beatum Gabrielem Principem astantem, & tuæ fortitudinis ministrum legasti ad annunciantum gloriosæ Virgini immaculatæ sacramentum incarnationis Filij tui Domini nostri Iesu Christi; humiliter petimus, ut confugientibus nobis ad præsidium tanti Paranympbi, eius intercessione fortitudinem aduersus visibiles & inuisibiles hostes concedere digneris. Per eundem Dominum &c.



RAPHAEL MEDICVS SALVTIS

*Viatores comitor, in  
firmos medico.*



## De Sancto Raphael Medico. Antiph.

**R**APHAEL Princeps ait: Ego sum vnus ex septem, qui astamus ante Dominum, Tobiamq; cæcum illuminauit, & Demoniu n apprehendit, religauitq; illud in deserto.

℣. Pax vobis, nolite timere. Alleluia.

℞. Dominus exaudiuit preces vestras. Alleluia.

Oremus.

Oratio.

**D**EVS qui ex tua ineffabili bonitate Beatum Raphaellem fidelibus tuis viatoribus Ductorem, maleq; habentibus Medicum ab initio constituisti, te suppliciter rogamus, vt nobis implorantibus opem dicti Principis astantis, patefacias semitam salutis, & ægritudinum tam animæ, quàm corporis salutarem medelam concedas. Per Dominum nostrum.





VRIEL FORTIS SOCIVS  
*Flāmascat igne charitatis*



De Sancto Vrielle forti socio . Año.

**O** FVIGOR Diuinæ Maieſtatis, o robur inuictæ poteſtatis, o flamma ignitæ charitatis, illumina mentes noſtras, ne inducamur in tentationem, & gladio tuæ poteſtatis nos tueri digneris.

V. Extende quæſumus gladium tuum Sancte Vriel.

R. In auxilium deuotorum tuorum.

Gremus.

Oratio.

**D** E V S qui ex incomparabili tua clementia Beatum Vrielem illuminationis tuæ miniſtrum ineffabili charitate ardentem tuis fidelibus vigilem tutorem propulſantem tentamenta Dæmonum ſociſti, tribue quæſumus, vt nos recurrentes ad tutelam tanti ſplendoris, depulſis mentis noſtræ tenebris, agnoſcamus ea, quæ nobis ſalutaria ſunt, & latentes Dæmonum tendiculas penitus declinemus. Per Dominum noſtrum Ieſum Chriſtum filium tuum, qui tecū. &c.



*[The text in this section is extremely faint and illegible, appearing as a series of light, blurry lines across the lower half of the page.]*

**I E H V D I E L**  
**REMVNERATOR**  
*Deum laudantibus præ-*  
*mia retribuo.*



**De Sancto Iehudiele Remuneratore. Añã.**


**I**EHVDIEL operum nostrorum sedule spectator, & æque remunerator Sapientiæ Dei minister, Virginumq; custos, qui legitimè certantes corona donas, emendandos corripis flagello, consule, subvenique nobis rogamus supplices, vt à delinquendi lubrico lapsu cito resurgamus.

✓. Præueniat nos Domine misericordia tua.

R. Priusquam pro peccatis nostris flagellum iræ tuæ sentiamus. Oremus. Oratio.

**D**EVS omnipotens, & omnium operum iuste æstimator, qui per sanctum Iehudielem Optimi consilij tui ministrum, bonorumq; remuneratorem à te constitutum præmia retribuis, Improbis verò correctionē infligis, te humiliter quæsumus, vt nobis implorantibus opem tanti Principis benè consulentis, iusteq; remunerantis, tua illuminatrix gratia dirigat nostros actus in lege tua, reuocetque flagellationem pro nostris offensis irrogandam. Per Dominum.







### De Sancto Sealtiele Oratore. Añã

**M**AGNE minister misericordiae Dei petendae, et omnium fidelium Patrone Beate Sealtiel, contemplare quaesumus nostram humanam fragilitatem, ne nostros abhorreas reatus ne ue dedigneris pro nobis semper orare; Sed imitare Iesum nostrum Redemptorem, qui sedens ad dexteram Dei Patris, dignatus est esse noster Aduocatus.

V. Beati Sealtielis adiutorium inuocemus.

R. Vt pro peccatis nostris veniam consequi mereamur.

Oremus,

Oratio.

**D**EVS misericordiarum fons indeficiens, qui pro imbecillitatis humanae reatibus Beatum Sealtielem tuae misericordiae ministrum orantem pro nobis ab initio esse voluisti, te supplices precamur, vt tanti Patroni patrocinio, et oratoris oratione nos ab omnibus malis imminetibus eripere, nostrasque iniquitates secundum multitudinem miserationum tuarum abolere digneris. Per Dominum nostrum. Et c.

1871  
No. 100



Faint, illegible text, likely bleed-through from the reverse side of the page.



BARACHIEL ADIVTOR  
In oportunitatib. in tri-  
bulatioe ne derelinquas nos



### De Sancto Barachiele Adiutore. Antiph.

**S**ANCTI Spiritus donorum, benedictionisq;, & gratiæ diuinæ Mi-  
nistre Sancte Barachiel, ora vt Deus infundat nobis spiritum for-  
titudinis, Spiritum Sapientiæ, Spiritum veritatis, quo aduersus Dæ-  
monum insidias, corporisq; fragilitatem, mundi quoq; tenebras &  
inquinamenta resistere, sanctisq; operibus insudare valeamus.

℣. Da nobis Domine Sancti Spiritus dona.

℟. Per intercessionem Sancti Barachielis Astantis.

Oremus.

Oratio.

**D**EVS bonorum omnium largitor opem, & gratiam tuam conce-  
de nobis quæsumus, sine qua nihil à nobis effici potest, vt per in-  
spirationem Sancti Spiritus nos incumbentes bonis operibus Sancti  
Barachielem habere mereamur adiutorem, ad depellendum mentis  
nostræ dubietates, Vt agnoscamus quæ nobis nocitura sunt, serena-  
tisq; sensibus nostris benedictionis, & gratiæ tuæ sempiternæ capa-  
ces efficiamur. Per Dominum nostrum. &c. in vnitatem eiusdē &c.

*Imprimatur.*

*Ardicinus Biandra Vic. Gen. Neap.*

*M. Cherubinus Veronen. Aug. Theol. Archiep.*

*Neap. vidit.*

*Idem fol. 5.*

742













• 41-648



C2034  
col. A1/BQ

